



UNIVERSITÄTS-  
BIBLIOTHEK  
PADERBORN

# **Divi Thomae Aqvinatis Doctoris Angelici Opera Omnia**

Summa diligentia ad exemplar Romanæ Impreßionis restituta

Secunda secundae Summa Theologiae

**Thomas <von Aquin, Heiliger>**

**Venetiis, 1593**

4 De comparatione eius ad alia peccata.

---

[urn:nbn:de:hbz:466:1-72772](https://nbn-resolving.org/urn:nbn:de:hbz:466:1-72772)

maledixit siculneam in significationem Iudae. Ter-  
tio modo, ordinatur creatura irrationalis ad ratio-  
nalem per modum continentis, scilicet temporis,  
vel loci: & sic maledixit Iob diei natiuitatis sue pro-  
pter culpam originalem, quam nascendo contra-  
xit, & propter sequentes penalitates. Et propter hoc  
etiam potest intelligi David maledixisse montibus  
Gelboe, ut legitur 2. Regum 1. scilicet propter caedem  
populi, quae in eis contigerat. Maledicere autem  
motus irrationalibus, in quantum sunt creaturae  
Dei, est peccatum blasphemiae: maledicere autem  
secundum se consideratis est orisum, & vanum,  
& per consequens illicitum. Et per hoc patet respō-  
sio ad obiecta.

ARTICVLVS. III.

*Utrum maledicere sit peccatum mortale.*

**A**D TERTIVM sic proceditur. Videtur, quod  
maledicere non sit peccatum mortale. Au-  
gustinus enim in homilia de igne purgatorio, nu-  
merat maledictionem inter leuia peccata: haec autē  
sunt venialia: ergo maledictio non est peccatum  
mortale, sed ueniale.

**¶** Praeterea: quae ex leui motu mentis procedūt, nō  
videntur vniuersaliter esse peccata mortalia: sed  
interdum maledictio ex leui motu procedit, ergo  
maledictio non est peccatum mortale.

**¶** Praeterea: Grauius est malefacere, quam maledicere:  
sed malefacere non semper est peccatum mortale:  
ergo multo minus maledicere.

**S**ED CONTRA. Nihil excludit a regno Dei, nisi  
peccatum mortale: sed maledictio excludit a regno  
Dei, secundum illud 1. ad Corinth. 6. Neque male-  
dici, neque rapaces regnum Dei possidebunt, ergo  
maledictio est peccatum mortale.

**R**ESPOND. Dicendum, quod maledictio, de qua  
nunc loquimur, est per quam pronūtiatur malum  
contra aliquem vel imperando, vel operando. Vel-  
le autem, vel imperio mouere ad malū alterius, se-  
cundum se repugnat charitati, qua diligimus proxi-  
mum, uolentes bonum ipsius: & ita secundum suū  
genus est peccatum mortale, & tāto grauius, quāto  
personam, cui maledicimus, magis amare, & reuer-  
teri tenemur. Vnde dicitur Leui. 20. Qui maledixe-  
rit patri suo, & matri morte moriarur. Contingit ta-  
men uerbum maledictionis prolatum, esse peccatū  
ueniale, vel propter paruitatem mali, quod quis  
alteri maledicendo, imprecatur: vel etiam propter  
affectum eius, qui profert maledictionis uerba, dū  
ex leui motu, uel ex ludo, aut ex surreptione aliqua,  
talia uerba profert, quia peccata uerborū maxime  
ex affectu pensantur, ut supra dictum est. \* Et per  
hoc patet responsio ad obiecta.

ARTICVLVS IIII.

*Utrum maledicere sit grauius peccatum, quam detractio.*

**A**D QVARTVM sic proceditur. Videtur, quod maledi-  
ctio sit grauius peccatum, quam detractio. Maledi-  
ctio enim uidetur esse blasphemia quaedam, ut  
patet per id, quod dicitur in Canonica Iudae, quod  
cum Michael archangelus cum diabolo disputans,  
altercatur de Moyfi corpore, non est ausus iudi-  
cium inferre blasphemiae: & accipitur ibi blasphe-  
mia pro maledictione, secundum glos. \* blasphe-  
mia autem est grauius peccatum, quam detractio,

**A** ergo maledictio est grauior detractioe.

**¶** 2. Praeterea. Homicidium est detractioe grauius, ut su-  
pra dictum est: sed maledictio est par peccato ho-  
miciidij, dicit enim Chrysost. super Matth. Cum  
dixeris, Maledic ei, & domum euerte, & omnia pe-  
rire fac, nihil ab homicida differet: ergo maledictio  
est grauior, quam detractio.

**¶** 3. Praeterea. Causa praeminet signo: sed ille qui maledi-  
cit, causat malum suo imperio: ille autem qui de-  
trahit, solum significat malum iam existens: grauius  
ergo peccat maledicus, quam detractor.

**S**ED CONTRA est, quod detractio non potest  
bene fieri: maledictio autem fit bene, & male, ut ex  
dictis patet: ergo grauior est detractio, quam ma-  
ledictio.

**R**ESPONDEO. Dicendum, quod sicut in primo ha-  
bitū est, duplex est malum, scilicet culpe, & pena.  
Malum autem culpae peius est, ut ibidem ostēsum  
est: unde dicere malum culpae peius est, quā d. cere  
malum pena: idem modo sit idem modus dicēdi,  
Ad contumeliosum ergo, & surronē, & detracto-  
rē, & etiā derisorem pertinet dicere malum culpae:  
sed ad maledicentem, prout nunc loquimur, perti-  
net dicere malum pena, non autem malum culpae,  
nisi forte sub ratione pena. Non tamē est idem mo-  
dus dicēdi: nā ad praedicta quatuor uitia pertinet  
dicere malum culpae solum enunciando. Per ma-  
ledictionem uerō dicitur malum pena uel causando  
per modum imperij, uel optando. Ipsi autem enun-  
tiatio culpae peccatum est, in quantum aliquod nocu-  
mentū ex hoc proximo inferitur. Grauius autem est  
nocumētum inferre, quā nocumētum desidera-  
re: ceteris paribus: unde detractio secundum com-  
munem rationē grauius peccatum est, quā ma-  
ledictio simplex desiderij exprimens. Maledictio uerō  
quae fit per modum imperij, cum habeat rationē  
causae, potest esse detractioe grauior, si maius no-  
cumētum inferat, quā sit denigratio fame: uel leuior,  
si minus. Et haec quidem accipienda sunt secundum  
ea, quae per se pertinent ad rōnem horum uitiosū.  
Posiunt autem, & alia per accidens considerari, quae  
praedicta uitia uel augent, uel minuunt.

**A**D PRIMVM ergo dicendum, quod maledi-  
ctio creaturae, in quantum creatura est, redundat in  
Deum, & sic per accidens habet rationem blasphe-  
mie: non autem si maledicatur creaturae propter  
culpam. Et eadem ratio est de detractioe.

**A**D SECVDVM dicendum, quod sicut dictum  
est, \* maledictio uno modo includit desiderium  
mali. Vnde si ille qui maledicit, uelit malum occi-  
sionis alterius, desiderio non differt ab homicida:  
differt tamen, in quantum actus exterior aliquid  
adiicit uoluntati.

**A**D TERTIVM dicendum, quod ratio illa procedit  
de maledictione, secundum quod importat  
imperium.

**E** QVAESTIO LXXVII. ¶ Super questio. 77.

*De fraudulencia, quae committitur in emptioibus, & uenditionibus, in quatuor articulos diuisa.*

**D**EINDE considerandum est de peccatis, quae sunt circa uolūtarias commu-  
tationes. Et primō de fraudulencia, quae committitur in emptio-  
nibus, & uenditionibus. Secūdo, de usura, quae fit in mutuis. Circa  
Secunda Secunda S. Thomae.

**I**N principio intro-  
ductionis q. 77. u-  
bi redditur pro cau-  
sa, quare de solis his  
duobus uitis com-  
mutationum uolun-  
tariarum, hoc est, de  
fraudulencia, & usi-  
ra tractandum est,  
scilicet quia circa a-  
lias uoluntarias com-  
mutationes non in-  
ueniuntur aliqua spe-  
cies

\* q. 77. art. 1.  
Homil. 20. in  
Ma. c. inter  
medium &  
finem. 1.

Art. 8. huius.  
quest.  
l. par. q. 48.  
ar. 5  
i. p. q. 48. ar.  
6.

Ar. preced.